

義

禮

糾

解

儀禮紉解卷之五

安溪王士讓述

鄉射禮第五

此諸侯之州長、春秋會民而射于序、習以禮樂也。州、鄉之屬、州長、士職也。或鄉大夫在其州內、則當來臨此禮、稱鄉大夫以行之。故名鄉射。又鄉大夫既賓興賢能於其君、退以五物詢衆庶、而行之。此禮于序、故亦名鄉射。於五禮屬嘉禮。弦木爲弧、苦於易繫。侯以明之。載於虞書。則射藝已肇於黃帝堯舜之時。而其制度禮文、則大備於周也。王政以善養人於無事之時、使之習之。至於久而安之、則不疑其所行。故發而不中節者、常生乎不敬。所

存乎內者敬則所形乎外者莊矣。內外交脩則發乎事者中矣。射一藝也故可觀德行。穆亭李氏曰周官州長所言射者王國之州長也。周官著其主禮之人與其行禮之地而此經則主言侯國之鄉州射禮而詳其儀。又曰鄉飲酒之禮主於鄉大夫之賓興而正齒位其兼義也。鄉射之禮主於州長之習射而詢衆庶其兼義也。

鄉射之禮

鄉射亦行飲酒而但以射言者主於射也。士讓按將射而行鄉飲酒禮。

所以嫻雍容揖遜之度定其志安其體此之謂禮射。

主人戒賓賓出迎再

拜主人答再拜乃請

主人州長或鄉大夫也。戒猶警也。賓者州長以處士

爲賓。鄉大夫則以公士爲賓也。出迎出門也。請告也。告賓以射事不言拜辱爲習民以禮樂不

主爲賓已也。不謀賓者，時不獻賢能，事輕也。大射前三日，宰夫戒宰及司馬。又射前一日，樂人宿縣。此不言日，則戒賓與射同日矣。賓禮辭許，主人再拜，賓答再拜。主人退，賓送再拜。州則于序，鄉則于庠。退還射宮，省錄射事也。無介。雖先飲酒，主于射也。其序賓禮略。穆亭李氏曰：介以輔賓，射乃有賓無介者，主人既與賓爲耦，不可以更耦於介。苟使賓黨之士，若主人之屬爲耦，又非所以優介也。曷不耦以遵者，有無不定也。望溪方氏曰：鄉射，大射，公食大夫，燕禮，皆有賓無介，有介者，獨鄉飲酒耳。五州之中，德行道藝相比次者，必有數人，故立賓及介。而介之禮，亞於賓，俾衆賓觀感而益自矜奮焉。若州長習射，則立賓以與主人行禮，而偕衆耦足矣。無所用介。大射燕禮，則有位者皆在列。

賢者衆多。不可
以賓介兼之。

右戒賓

記大夫與則公士爲賓。

公士在官之士。據鄉

射以處士爲賓。大夫與則以公士不敢使鄉人加尊於大夫也。然則大夫之與此會亦主人請之明矣。記言此者恐其或用處士也。士讓按疏謂鄉射使處士無爵命者爲賓。有大夫來易去之。敖氏辨之云。大夫於一人既舉解于賓乃入。主人必無臨時易賓之理。據此則大夫之與與賓之立皆其前定者也。或謂此所與之大夫卽州在鄉內之鄉大夫也。鄉大夫宜主射而云與者以州長辨其事爲主而鄉大夫蒞之。優尊以逸故云與。說固可通。然下文明有獻大夫大夫爲下射之條則大夫指遵者較是也。其以公士爲賓可見成

周在官之士、非一切刀筆吏可比。固有德行
道藝者在。故其等、於處士為優。後世仕學分
途。習吏事者、不明經術。明經
術者、輕鄙吏事。胥失之矣。**使能不宿戒。**能

敏於事。望溪方氏曰、不能則不得與于射。
不待勝負分、而已有所愧厲矣。能者始得與
于射。則鄉大夫與賢能、非德行道藝有可觀
不得與于衆賓、可知矣。州長教射而徵學士
事有故常、無用先期而戒之。士讓按不宿
戒、指戒賓與射同日耳。與鄉飲酒記文義同。
記此、見其異於大射。司士之戒士射、為禮重
也。注云不待宿戒而習之、又別生一義矣。

乃席賓南面東上。

凡席于此者皆東上。惟為神
席則西上。泊邨吳氏曰、庠

與序、淺深有殊。其為規制則一也。疏云序無室
則無戶牖、設席亦當戶牖之處耳。若然、中無室

與戶牖則傍亦無房。籩豆俱無所置之。何以行禮乎。士讓按席賓南面東上。于序然。于庠亦然。衆賓之席繼而西。衆賓亦衆賓之長三人也。

衆賓之席繼而西。

衆賓亦衆賓之長三人也。繼繼賓席也。以次而西亦

皆不屬東上。

穆亭李氏曰。席無相屬之法。相

屬則不便於升降矣。鄉飲酒言不屬。此禮言繼

而西。互見

席主人於阼階上西面。

東階主位。

尊於賓

爲義也。

席之東兩壺斯禁。左玄酒皆加勺。篚在其南。東

肆。

斯禁。禁切地無足者。州長是士兼有鄉大夫

者。北面西爲左。設洗于阼階東南。南北以堂深

尙之也。肆陳也。設洗于阼階東南。南北以堂深

東西當東榮。水在洗東。篚在洗西南。肆。

解見士冠陳器

章及鄉飲。縣于洗東北西面。縣謂縣鐘磬與鐃酒設洗章。屬亦存焉。凡爲士者之樂皆得備諸音。惟以特而別于其上者耳。其設之磬在北鼓在南。略放大射西方之縣。此縣於東方辟射位也。鄉飲酒無射事則縣階閒。穆亭李氏曰編鍾編磬十六枚爲一堵。合兩堵爲一肆。宮縣四肆軒縣三肆判縣二肆。特縣一肆。諸侯之士與天子之士一也。鍾磬各十六以備十二律四清聲。注云但縣磬半天子之士無鍾如是則八音不全不可樂矣。

右設席尊洗縣

尊綌綌賓至徹之

凡行禮之尚質

與分有所厭者皆不用

蒲筵緇布純

注云筵席也純

儀禮訓解

卷五

鄉射禮

四

綠疏云在地者爲筵取鋪陳之義在上者爲席取承藉之義朱子云但一物而二名耳疏說西序之席北上衆賓統於賓此東面非常非禮衆賓繼而西者只三人然或多不能容復有東面之席大畧射禮與飲酒禮有同而異者如飲酒禮有介而射禮無介此西序有席爲備耦之故且亦以無介故得設席於此疏云非常蓋得之

乃張侯下綱不及地武

侯射布也綱繫侯於楹之繩也武足迹也中人

之迹尺二寸五武成步步六尺侯上廣下狹象人張臂八尺張足六尺而下綱象足其離地處尺二寸亦卽以足取數也士讓按六書侯从人从工从矢意侯象人形故从人梓人爲之故

从工。以受矢。故从矢。若威不寧侯。之說。雖本射義。朱子蓋嘗疑之。不繫左下綱。

中掩束之。

中卽侯中。云中掩者。侯中一丈。左方

右方。適與侯中之一丈者相掩也。旣則以綱籠

于緝而束之。

穆亭李氏曰。所不繫必左下綱

者。侯之西畔爲賓。之參侯道。居侯黨之一。西五

所從入之方也。

步。乏。周禮謂之容。爾雅謂之防。所以爲獲者容

身防矢也。以草爲之。說者云。如牀頭小曲屏

風也。黨旁也。乏樹于侯北西旁。三分侯道計之。

侯道三十丈內。乏居一分之地。十丈也。西五步

者。六尺爲步。五六三十。謂在西旁。去中道凡三

丈也。所以遠近如此者。一得避矢。二得去堂二

十丈。聞唱獲聲也。士讓按交反。正爲乏。正以

受矢。乏以避矢。兩者各樹之地。爲用相反。故取

名焉疏謂矢於此置之不去故名射以中爲雋若未至於侯十步矢便不能去恐非彰巧力之義。

右張侯 凡侯天子熊侯白質諸侯麋侯赤

質大夫布侯畫以虎豹士布侯畫以鹿豕此

獸侯也。燕射則張之。周禮梓人云張獸侯以息燕而記此者以天子諸侯之燕射用鄉射之禮而張此侯連類及之也。白質赤質皆謂采其地其地不采者白布也。熊麋虎豹鹿豕皆正面畫其頭象於正鵠之處耳。君畫一臣畫二。陽奇陰耦之數也。其畫之皆毛物。朱子曰周禮梓人有皮侯采侯獸侯其曰張皮侯而棲鵠者天子大射三侯用虎豹熊皮飾

侯之側而畫以五采之雲氣號曰皮侯又各以其皮爲鵠綴之中央似鳥之棲故曰棲鵠其曰五采之侯者賓射之侯也正之方外如鵠亦三分其侯而居一中二尺畫朱其外次白次蒼次黃次黑充其尺寸使大如鵠亦畫其側爲五采雲氣三正之侯則去元黃二正之侯則去青白直以朱綠也射義注所謂畫布曰正棲皮曰鵠是也其曰獸侯則燕射之侯此記所云是也蓋用布而畫獸頭于正鵠之處故曰獸侯天子諸侯則以白土赤土塗其布以爲質士則用布而不塗所畫雲氣采色之數亦如采侯之差等也士讓按注云熊虎豹取其不妄上下相犯麋鹿豕取志在君臣相養朱子云或恐射此野獸止是取其服猛除害之義

凡畫者丹質

賓射用采侯燕射用獸侯皆畫

說較注爲優

雲氣於側以爲飾。必先以丹采其地。丹淺於赤者。鄉侯上个五尋。最

一幅爲上个。用布五尋。中十尺。中侯中央之

每尋八尺。則四丈也。五幅。幅各長十尺。每幅之廣二尺二寸。就幅

畔各削一寸爲縫。則實各二尺。合五幅成一丈而廣。侯道五十弓。弓二寸以爲侯中。言侯

與崇方。取數也。量侯道以狸步。而云弓者。侯之所取

數。宜用射器也。弓二寸者。轂中之博也。士

讓按凡量侯道以步。步六尺。弓之下制亦長

六尺。五十弓則三百尺也。爲三十丈之道。弓

二寸者。謂附把中側骨之處。廣二寸也。以爲

侯中者。言爲侯中十尺之取數也。蓋每弓取

二寸。五十弓則積倍中。以爲躬。躬者。中之上

百寸而爲十尺矣。下幅也。中十

尺矣。倍之者，上下幅各用布二丈橫接之。**倍躬以爲左右舌。**此卽

五尋也。以舒出言謂之舌。躬之上有**下舌半**

二丈矣。倍之則爲四丈。卽五尋之數。**上舌**上舌左右各出躬一丈矣。今下舌各出

也。所以半上舌者，候象人之形。上如臂，下如

足。上廣而下狹也。總計鄉侯用布中五丈。躬

四丈。上舌四丈。下舌三丈。凡一十六丈。數起

侯道五十弓以計之也。其道七十弓之侯，則

中七幅。幅丈四尺長。用布九丈八尺。上下躬

用布五丈六尺。上个五丈六尺。下个四丈二

尺。通用布二十五丈二尺也。其道九十弓之

侯，則中九幅。幅丈八尺長。用布十六丈二尺

上下躬用布七丈二尺。上个亦七丈二

尺。下个五丈四尺。通用布三十六丈也。

奠定

之速賓節

主人朝服乃速賓賓朝服出迎再拜

主人答再拜退賓送再拜

士讓按注疏以戒時元端此方朝服但經

無明文敖氏以為戒速用朝服義與鄉飲酒同說為優蓋戒時未著所服至此方著之耳又此經不云拜辱又無介與鄉飲酒異者禮輕也賓及衆賓遂從之既退衆賓乃至於賓之門與皆行也云遂者雖相去有間事實相接

右速賓其牲狗也亨于堂東北

士讓按羞出自東房

主人之方也堂東近北爨所在便於卑者設具故俎實亨於此既載乃由東壁升自西階及門主人一相出迎于門外再拜賓答再拜
或庠

或序皆有外門相擯也。有司習於揖衆賓。差卑禮者。一相先傳命主人乃自出迎。

主人以賓揖先入。以。猶與也。先入。賓厭衆賓。

衆賓皆入門左。東面北上。賓少進。引手曰厭。少進。差在前也。

主人以賓三揖皆行。及階三讓。主人升一等。賓

升。三讓而主人先升者。是主人先讓於賓。乃道賓也。不俱升者。賓客之道。進宜難也。此敵禮

之常。若燕禮君升一等。則君尊故也。敖氏繼

公曰。皆行。言無先後也。三禮館議。皆者。皆主

人與賓也。上言以賓揖。此言以賓三揖。明不及

衆賓也。衆賓猶在門左東面之位。若如疏解。衆

賓皆行。將隨賓而揖乎。抑賓揖而隨者不揖乎。

蓋均不可矣。且三揖是人偶之禮。非旅進之禮。

也

主人阼階上當楹北面再拜賓西階上當楹

北面答再拜。

拜至。

右迎賓

立者東面北上。

此謂來觀禮者解見鄉飲酒篇

主人坐取爵于上篚以降。

將洗以獻賓也。鄉飲酒篚不云上者文畧。

賓降。

從主人也。當西序東面。

主人阼階前西面坐奠爵興

辭降賓對。

主人重以已事煩賓也。

主人坐取爵興適洗南

面坐奠爵于篚下盥洗賓進東北面辭洗。

主人盥手

又洗爵致潔敬也。賓必進者方辭洗宜違其位言東北面則位南於洗矣。

主人坐奠

爵于篚興對賓反位。

反從降之位。

主人卒洗壹揖壹

讓以賓升賓西階上北面拜洗主人阼階上北

面奠爵遂答拜乃降。

拜洗謝其為已洗也。乃降將更盥也。

賓降主

人辭降賓對主人卒盥壹揖壹讓升賓升西階

上疑立。

疑止也。正立自定有矜莊之色。

主人坐取爵實之賓席

之前西北面獻賓。

進于賓也。凡進物曰獻。讓按于阼階上北面取之于

賓席之東北

賓西階上北面拜主人少退。

少賓

進受爵于席前復位。

復西階上之位。

主人阼階上拜送

爵賓少退。

賓亦少辟示謙。

薦脯醢。

脯以邊醢以豆。

賓升席自西

方。

升必中席。

乃設折俎。

有牲則有俎也。薦與設皆有司。

主人阼階東

疑立。

待賓行禮。

賓坐左執爵右祭脯醢奠爵于薦西。

興取肺坐絕祭尚左手嚙之興加于俎。

薦西右方奠爵

者右手將取肺也。肺離之上為本下為末。先覆

右手執末則本垂下。乃卻左手仰承其本。因而

覆左手則左手上右手下。絕末祭以

坐掄手執

口嚙之。興者俎在薦外興為便也。

爵遂祭酒興席末坐啐酒降席坐奠爵拜告旨。

執爵興主人阼階上答拜賓西階上北面坐卒。

爵與坐奠爵遂拜執爵與主人阼階上答拜

拭

也。啐，嘗也。降席，席西也。旨，美也。卒，盡也。

右獻賓。凡獻用爵。其他用解。

爵尊，不可褻也。

凡舉

爵三作而不徒爵。

謂獻賓獻大夫獻工皆有薦。士讓按三作者，一為

賓作而衆賓該之一為大夫作即遵者也。一為工作而笙該之也。此三爵皆取之上篚。

薦脯用邊五臟祭半臟橫于上醢以豆出自

東房。臟長尺二寸。

脯用邊，邊宜乾物也。臟猶脰也。祭橫于上，殊之也。於

人為縮。醢以豆，豆宜濡物也。又或稱乾豆者，凡作醢，鷄之實，恆先脯乾而後漬之，方成。東

房左房。穆亭李氏曰：序雖無房，擬所陳位亦在東房之處耳。且容爲鄉大夫之射於庠者言之也。吳氏泊邨曰：序亦有室有房，與庠同也。俎由東壁，自西階升。若祭饌則由東階升，以尊神也。特性少牢是也。賓俎脊脅肩肺，主人俎脊脅臂肺，肺皆離，皆右體也。進腍，以骨貴骨也。骨有名，肉無名。所食卽肉。賓用肩，主人用臂，皆前骨也。而肩則周所貴，故以尊賓。射禮無介，故不云介俎。若有遵者，或一人二人三人，則餘體若膾若肫若胎乎。離，割離之不絕中央少者，所謂不提心也。右體，周所貴腍，膚理也。進理前其本，與公食同。生人食法，若少牢進下者。以爵拜者不徒作。謂拜既爵則鬼神食法也。

主人也。

賓以虛爵降，主人降。

賓將洗以酢主人，而主人從賓降，立阼階東西面，當

東序。賓西階前，東面坐奠爵，興辭降。主人對賓坐。

取爵適洗，北面坐奠爵于篚下，興盥洗。

賓北面盥洗者，

賓自外來，與主人自內出者，南面洗，相變，各由便也。

主人阼階之東，南面

辭洗。賓坐奠爵于篚，興對。主人反位。

反位，復從降之位，卽

上阼階東西面，當東序。

賓卒洗。

士讓按鄉飲酒卒洗，上有賓東北面盥，坐取爵之文。

揖讓如初，升。主人拜洗，賓答拜，興降盥，如主人。

之禮。

云如初升則一揖一讓也。

賓升實爵，主人之席前東南

面，酢主人。

酢以報獻。

主人阼階上拜，賓少退。主人進

受爵，復位。賓西階上拜，送爵。薦脯醢，主人升席

自北方，乃設折俎。祭如賓禮，不告旨。

酢亦有薦有俎，祭薦

俎及酒亦嘑亦啐，但以酒已物不告旨耳。

自席前適阼階上，北面坐

卒爵，興，坐奠爵，遂拜，執爵興。賓西階上北面答

拜。

啐酒於席末，由席前北方降，便也。

主人坐，奠爵于序端，阼階

上再拜崇酒。賓西階上答再拜。

序端，東序頭。奠爵於此，擬此下。

獻衆賓崇酒、
義見鄉飲酒、

右賓酢主人

士讓按酢爲第二爵。賓主各五拜而後禮明。主人拜洗、拜受酢、拜卒爵、再拜崇酒、凡五。賓答拜洗、拜送酢、答拜卒爵、答再拜崇酒、凡五也。

主人坐取觶于篚以降。

將酬賓也。觶三升。鄉飲酒記所云其他用觶者

是也。士讓按此觶亦在上篚。楊信齋所謂上篚爵三觶一、是也。

賓降主人奠

觶辭降。賓對東面立。主人坐取觶洗。賓不辭洗。

賓從降不辭洗。以主人將自飲。卒洗揖讓升。賓西階上疑立。主

人實觶酬之。阼階上北面坐奠觶遂拜執觶與

賓西階上北面答拜。

賓疑立以待禮。而主實酬解以勸賓。賓領主人酬已。

之意故答拜也。

主人坐祭。遂飲卒觶。興坐奠觶。遂拜執。

觶興。賓西階上北面答拜。

士讓按主人自取觶。自洗觶。自實觶。自卒。

觶皆因欲酬賓。

主人降洗。賓降辭如獻禮。

辭洗以將。

先自盡乎已也。

已。升不拜洗。

殺於獻也。

賓西階上立。

立亦不云疑。

主人實。

觶賓之席前北面。

酬賓也。北面取賓與席兩顧不相背。

士讓按正獻時西。

此酬正北面以酬酒禮。稍殺故主人儀亦稍舒。

賓西階上拜。主人坐奠。

觶于薦西。賓辭坐取觶以興。反位。主人阼階上。

拜送。

賓辭辭其復親酌已兼辭奠觶。

賓北面坐奠觶于薦東反

位。

酬酒不舉故奠于薦東。君子不盡人之歡明禮有節。

右主人酬賓

主人揖降賓降東面立于西階西當西序。

主人將與

衆賓爲禮賓謙不敢獨居堂。

主人西南面三拜衆賓衆賓皆

答壹拜。

三拜示偏也。壹拜不備禮也。獻賓畢乃與衆賓拜敬不能並不升拜賤也。主

人揖升坐取爵于序端。

士讓按鄉飲酒取爵于西楹下者因介酢而

奠之爵也。此則無介乃因賓酢而奠之爵也。

降洗升實爵西階上獻

儀禮紉解

卷五

鄉射禮

三

衆賓。衆賓之長升拜受者三人。言長者三人則衆賓尚多。鄉以

多德行道藝爲榮。何常數之有。主人拜送。拜送爵於衆賓右。坐祭立飲。

不拜既爵授主人爵降復位。既盡也。復位復賓南東面位。衆

賓皆不拜受爵坐祭立飲。自第四以下又不拜受爵禮彌畧。每

一人獻則薦諸其席。還據堂上三人有席者。衆賓辨有脯

醢。據堂下衆賓無席者薦於其位。主人以虛爵降奠于篚。不復用。

右獻衆賓。衆賓之長一人辭洗如賓禮。主人

唯爲長者一人洗爵。尊之於其黨。凡奠者於左。不飲不欲其妨。若酬賓賓

奠于薦東者是將舉者於右便其舉也。若酬一人二

樂正與立者齒。謂其飲之次也。尊樂正

揖讓升。賓厭衆賓升。衆賓皆升就席。鄉飲酒云。衆賓序升。

謂三賓堂上有席者。一人洗。舉觶於賓。一人主。以年長爲序。此亦然。

舉觶發酒端爲旅酬始也。士讓按自行禮至此。正獻酢酬已明矣。繼此樂將作。射將舉。閱時

久矣。若不使一人先舉。解以爲旅酬發端。則三射畢之會。將復行酒。而前無所承。將必失序。非

習民於禮樂有升實觶。西階上坐奠觶拜。執觶

興。賓席末答拜。席末。未離平席。舉觶者坐祭。遂飲卒觶。

興坐奠觶拜執觶興賓答拜。先飲示酬降洗升賓之

西階上北面。將進奠解賓拜。拜示受解舉觶者進坐奠觶

于薦西。不授賤不敢也賓辭坐取以興。若示受然舉觶者西

階上拜送賓反奠于其所。于其所者還奠于薦西以其射畢賓北面

舉之為旅酬故舉觶者降。事已不奠于薦東也

右一人舉觶

大夫若有遵者則入門左。謂此鄉之人為大夫者也謂之遵者方以

禮樂化民欲其遵法之也其士也於旅乃入其卿大夫士非鄉人者禮亦然但異鄉不助主人

樂賓主於鄉人耳。

主人降。

迎於門內也。不出門別於賓。

賓及衆賓皆

降復初位。

不敢居堂俟大夫入也。初位階西以南當序位北上。

主人揖讓

以大夫升拜至大夫答拜。主人以爵降大夫降。

主人辭降大夫辭洗如賓禮。

如賓禮自三揖三讓以至于揖一

讓升之儀。

穆亭李氏曰大夫如賓禮指

席于

辭洗以前事若不拜洗以後則如介也。

尊東

與賓夾尊也。不言東上統於尊。氏曰鄉飲酒禮尊於房戶之間。

望溪方

東或疑繼賓席而東此云席於尊東然後東西

之位次顯然並遵席與賓正相並而尊之設也

少南亦具見矣蓋賓與遵之席必迫近於室尊

必少南然後出入於房戶者可通而酌以獻酬

亦便耳。升不拜洗。主人實爵。席前獻于大夫。大夫

西階上拜。進受爵。反位。主人大夫之右拜送。士讓

按升不拜洗者。疏以爲大夫尊。然主人與賓雖尊敬大夫。而大夫未嘗不謙。大致亦如介禮殺

故洗不拜耳。泊邨吳氏曰。惟大夫辭加席主

獻賓拜於阼。餘皆拜於其右。大夫辭加席主

人對。不去加席。辭之者。謙不以已尊。加賢者也。不去者。大夫再重席。正也。賓則

惟一乃薦脯醢。大夫升席。設折俎。祭如賓禮。不

齊肺。不啐酒。不告旨。西階上卒爵拜。主人答拜。

凡所不者。殺於賓也。

大夫升席由東方。

右獻大夫 若有諸公則如賓禮。大夫如介

禮。無諸公則大夫如賓禮。尊卑之差。諸公大

氏曰此禮無介。記者蓋以鄉飲酒樂作大夫

不入。後樂登也。士讓按大夫以遵者稱。顧

云樂作大夫不入。得經外之旨矣。

大夫降洗。將酢主人也。此據一大夫而言。主人

復阼階降辭如初。卒洗。主人盥。盥者雖將酌自

藝士讓按大夫敬主人欲酢之故卒洗。揖讓

主人以大夫尊不敢安故自盥欲自酌。

升大夫授主人爵于兩楹閒復位主人實爵以

酢于西階上坐奠爵拜大夫答拜坐祭卒爵拜

大夫答拜士讓按大夫授主人爵者成主人之

主人坐奠爵于西楹南再拜崇酒大夫答拜士讓

按疏以奠于西楹南者為士於旅乃入既獻士

然故下經三射畢行酬無取爵西楹南獻士之

儀且西楹南射者往來之地未必爵久奠于此

意拜崇酒後揖降時即取爵以降而奠于西楹

主人復阼階揖降大夫降立于賓南大夫雖尊

正禮故降立于賓之下不妨其賓主相對行禮

也故氏云鄉飲酒禮公與大夫若與則皆下于

介鄉射禮大夫若與則下于賓蓋其禮皆主于士也此解最明晰

主人揖讓以

賓升大夫及衆賓皆升就席

衆賓其長三人以次而序升

右大夫酢

士讓按大夫酢主人之儀與鄉飲酒介酢主人之儀大致同所謂大

者介爲卑而不可踰大夫爲謙而光也

席工于西階上少東樂正先升北面立于其西

士讓按西階上少東燕大射席工法皆同即鄉飲酒所謂堂廉也亦東上堂廉言南北節也西

階上也但工以東爲上說於主人等樂正從賓

黨西爲上耳又按注疏以少東不欲大東爲辟射位然請射之會必遷樂工位于阼階下之東

南堂前三筭則此時之設
席法原非爲辟射位也
工四人二瑟瑟先相

者皆左何瑟面鼓執越內弦右手相入升自西

階北面東上工坐相者坐授瑟乃降四人制也二大夫

鼓瑟則二人歌也瑟先賤者先就事也瑟衆工

也相扶工者相瑟二人則相歌亦二人也何於

左爲相當以右手便也面前也可鼓在前變於

鄉飲大射而同於燕禮越瑟下孔所以發越其

聲者越言執手入淺也內弦弦結處向身也執

越亦變於鄉飲大射而同於燕禮其內弦則皆

同相者降降
立西方也
笙八立于縣中西面縣在洗東北西面吹笙者

入于縣中磬西立西面堂下樂相從
穆亭李氏曰縣在洗東北笙若更東則距階太遠笙者

必與歌瑟相比太遠非所宜也乃合樂周南關

雉葛覃卷耳召南鵲巢采芣采蘋不歌不笙不

於樂也不畧合樂者周南召南之風鄉樂也士

大夫所宜歌不可畧其正也六篇皆風化之原

是以合金石絲竹而歌之望溪方氏曰獨奏

合樂不惟志在射也鄉飲酒以興賢能故升歌

閒歌備陳君臣相悅上下志同之樂使觀感而

興起焉學士習射則歌二南使盡志於脩身齊

家之要工不興告于樂正曰正歌備不興者替

可矣工不興告于樂正曰正歌備矇禮畧也

不歌小雅亦云備者以凡樂正告于賓乃降樂

歌終於合樂三終爲備也樂正告于賓乃降正

降者堂上正樂畢也後無算樂非正樂下射

雖歌騶虞亦在堂下耳降立西階東北面主

皇川早 鄉射禮

人取爵于上篚獻工。大師則爲之洗。

洗尊之也。士讓按。

掌樂之長謂之大師。其掌樂事同。其爵分不同。

天子掌樂之。大師。爵則下大夫也。諸侯掌樂之。

大師。爵則上士也。至鄉大夫。有大師。州長有大

師。未必如注所謂君賜者。或趨給樂事於庠序。

之衆工長。亦如司射司賓降主人辭降。不言大

馬之因事名官之類歟。賓降主人辭降。夫降放

氏謂所以工不辭洗。卒洗升實爵。工不興左瑟

別於賓也。工不辭洗。卒洗升實爵。工不興左瑟

一人拜受爵。

工如有大師。卽指大師。若無。則亦無洗矣。左瑟。辟主人授爵也。一人。

若無大師。則

工之長者。

主人阼階上拜送爵。薦脯醢。使人

相祭。

相者。弟子也。

工飲。不拜。旣爵。授主人爵。衆工不

拜受爵。祭飲。辯有脯醢。不祭。

祭飲謂坐祭酒。坐飲酒也。異乎坐祭。

立不洗。

士讓按獻工既不洗矣。因獻笙若更端故特明之。

遂獻笙于西

階上。笙一人拜于下。盡階不升堂受爵。主人拜

送爵。

鄉飲酒禮。笙八。樂南陔白華華黍乃獻之。此不笙亦獻之者。主人自爲射故而畧於

樂耳。不可以其無事而廢禮也。

階前坐祭立飲。不拜既爵。升授

主人爵。衆笙不拜受爵。坐祭立飲。辯有脯醢。不

祭。主人以爵降奠于篚。反升就席。

衆笙受爵既飲。升授主人。

爵皆盡。階不升堂。如鄉飲酒禮。謂主人升就席亦揖讓以賓升。衆賓皆升其說

三禮館議注。

與是而未盡合也。主人獻工而賓從降者。以為
大師洗也。若無大師。主人不洗。即賓不降矣。且
因主人洗而降者。亦惟賓耳。衆賓與大夫皆可
不降也。觀鄉飲酒禮。止言賓介降者可見。就令
有大師。主人洗而賓降。其以賓升亦當在于卒
洗升實爵之時。不當至獻笙後始揖賓以升也。

右樂賓 三笙一和而成聲。

三人吹笙。一人吹和。凡四人。爾

雅曰。笙小者謂和。穆亭李氏曰。敖氏謂三
人吹笙。一人歌其所吹之詩以和之。然考升
歌時無笙。笙入時無歌。開歌亦一歌一笙。無
歌笙並作之事。若合樂則歌者二人。又不止
一和。敖說非是。士讓按。敖氏云。笙之入也。
以將射故不奏之。今攷笙之奏。無明文。疑合
樂無算。獻工與笙取爵于上。篚既獻奠于下
樂時歟。

筐

堂上不復用。堂下後取獻獲者及釋獲者。

其笙則獻諸西階上。

主人降席自南方側降。

賓不從降。

作相爲司正。司正

禮辭許諾。主人再拜。司正答拜。

爵備樂畢將留賓以射事。至於

旅無算爲有解倦失禮立司正以監之。察儀法也。詩云既立之監。復升自北方。

主人升就席。

右立司正。

司正洗解升白西階。由楹內適阼階上北面受

命于主人。

洗解者當酌以表其位顯其事也。楹內楹北受命受請安賓之命。

西

階上北面請安于賓。

傳主人之命也。賓為射事來。此時未射。若無嫌於不

安。乃亦必請者。飲酒之節宜然也。望溪方氏

曰。立司正以糾儀。而曰請安于賓。蓋指不祭立

飲不拜卒解不洗而為言。禮辭之體然也。而此

篇更有隱義焉。敘射禮嚴司射執扑以臨不勝

者。以觥代扑。賓大夫皆就不勝者之位而飲。方

是時賓大夫酬主人之禮未備。衆賓皆未受酬

先舉罰爵而後舉酬。所以愧厲之者切矣。故先

以主人之意請安于賓。以示主人急於酬賓而

會有司之請射。禮之旁皇。賓禮辭許司正告于

周。淡曲得其次序。類如此。賓禮辭許司正告于

主人遂立于楹閒以相拜。也。兼相賓主。主人阼

階上再拜。賓西階上答再拜。皆揖就席。為它司

安也。

正賓解降自西階中庭北面坐奠解興退少立。

北面奠鄉飲酒亦然。

敖氏繼公曰不云階間

云中庭其阼階前南北之中歟以當辟射也蓋

司正為司馬至誘射後方易位于司射之南

則此位必不在階間如鄉飲酒司正之位也進

坐取解興反坐不祭遂卒解興坐奠解拜執解

興洗北面坐奠于其所興少退北面立于解南。

取解卒解先之也洗而奠示

未旅。

旅衆也衆以

潔敬也立解南便察衆也

未旅者以將射也旅則醉而禮終恐不得射矣

望溪方氏曰鄉飲酒立司正之後即舉旅故

此言未旅以別之士讓按鄉飲酒司正既舉

遂旅者彼為貢賢能之禮將終也此為習禮樂

於射方始。故雖皆士大夫禮而有異。若燕大射。皆君禮。而行旅亦不同者。燕主慈惠。故三舉旅。乃射。大射主擇士助祭。故大夫未旅而先請射也。

右司正舉觶

司正既舉觶而薦諸其位。

無獻

者異於衆賓。因舉觶而薦之。別於主黨。位在觶南。士讓按自篇首至此。與鄉飲酒禮大同小異。參觀之。其義愈互相發云。

三耦俟于堂西。南面東上。

司正既立。司射選賓黨中弟子之秀者以

爲三耦。使俟事于堂西。

司射適堂西。袒決遂。取弓于階西。

兼挾乘矢。升自西階。階上北面告于賓曰。弓矢

既具有司請射。

司射者主人使有司習禮者以主射教遂以事名之也。於堂西

者鄉射無次取隱蔽而已。袒免左臂外之衣袂也。凡禮事無問吉凶皆袒左。決象骨爲之取其滑着右大擘指以鈎弦聞體者遂射韞也。以韋爲之。著左臂所以遂弦者其非射時則謂之拾。拾斂也。所以隱膚蔽衣也。挾取弦矢方以持之也。乘矢四矢也。有司主人所使一人主射政。卽下文司馬也。

賓對曰某不能爲二三子許諾。

自謙以明爲衆

習禮也。二三子謂衆賓已下。一辭卽許者射不專爲已也。

司射適阼階上東

北面告于主人曰請射于賓賓許司射降自西

階階前西面命弟子納射器。

不請射于主人惟告以賓許者緣主

儀禮紉解

卷五

鄉射禮

三

人尊賓意也。賓許之辭。主人與聞之矣。必告者。禮也。弟子賓黨之年少者。納內也。射器。弓矢。決拾。旌中。籌。楅豐也。司射西面。弟子東面。乃納射。穆亭李氏曰。弟子學中肄業之年少者。器皆在堂西。賓與大夫之弓。倚于西序。矢在弓下。北括。衆弓倚于堂西。矢在其上。主人之弓矢。在東序東。序在堂上。矢在弓下。括。羽也。堂西在堂下。矢在堂西。廉稜之上。亦北括。東序東亦倚之。矢俱北括。凡矢各隨其弓。士讓按射時三耦先射。而叙弓矢先以賓大夫及主人者。先尊而後卑。先賓而後主也。弓矢各有定所。則取之不參錯。辨異卽以定和也。司射不釋弓矢。遂以比三耦于堂西。三耦之南北面。

命上射曰某御於子。命下射曰子與某子射。比選

次其才

司正爲司馬

兼官由便也

士讓按前

相近者

爲擯則曰相繼泣酒則曰

司正。今掌射則曰司馬均此一人耳。可見古人

吏職禮教文事武備有兼長也。司馬之名于此

始見經。其命爲之蓋在立解南之後。三耦侯堂

西之先觀上文司射告賓已云有司請射可見

矣。司馬命張侯弟子說束遂繫左下綱。事至

司

馬又命獲者倚旌于侯中。爲當執旌以負侯故

先命倚于侯中此獲

者亦賓黨中弟子望溪方氏曰司射所掌張侯

射之威儀節會所以觀其德也司馬所掌張侯

脫侯唱獲釋獲之節至之無停聲唱獲應

宮商乃預習師田之事所謂習射尚功也

獲者

由西方坐取旌倚于侯中乃退

云坐取旌見其
偃於地也侯中

侯之中央倚之於此
昔示射者以申然

樂正適西方命弟子贊工

遷樂于下

當避射位也贊佐也遷徙
也樂謂瑟也亦西而命之

弟子相工

如初入

士讓按上經相者坐授瑟乃降降於西
方以俟事至非有出門也此云如初入

猶云如
初升耳

降自西階阼階下之東南堂前三筓西

面北上坐

降何瑟與徒相而降也堂東堂也筓
矢幹長三尺堂前三筓坐處之北去

堂九尺也必空三筓者辟主人往來堂東
之路也位於堂下而坐者惟工耳亦無席

樂正

北面立于其南

北面鄉堂不與工耳變
於堂上位之與工同面

右請射。三耦者，使第于司射前戒之。弟子賓黨

之少者也。前戒，謂先射戒之。三耦射則在先立，則居前。誘射有教之之意。凡挾矢，

於二指之間橫之。謂第二指食指，第三指將指也。云橫之，則左右手皆

然也。知是食指將指者，以左擘指拓弓，右擘指鈎弦，其無名指短，與將指不相應也。司

射之弓矢與扑，倚于西階之西。弓矢以誘射者，扑作教刑

以肅其禮者，倚于西階西，便其事也。司射在司馬之北。此著其所立上

下之位。司馬無事不執弓。以不主射故也。司射既袒決

遂而升。司馬階前命張侯，遂命倚旌。著其並時行事

也。士讓按據此記則知司正轉爲司

馬時在于三耦俟堂西之先益明矣。旌各

以其物。

析羽爲旌。旌總名也。雜帛爲物。中絳

之。而云各以其物者。大夫詢衆庶射於庠。其

物長五仞。士春秋習射於序。其物長三仞。

無物則以白羽與朱羽糅。杠長三仞。以鴻脰

韜上二尋。無物者。小國之州長。乃不命之士

也。仞尋俱八尺之數。鴻。鳥名。其脰長。韜。今文

作翽。蓋以鴻脰之羽。雜糅朱白色爲翽。而執

之以進退衆者。所謂士翽旌也。通計杠長三

仞。而上有羽處。得二尋。云一說。韜以綃籠杠

如雁之頸。杠三仞。韜上二仞。不韜者一仞。亦

通。士讓按或疑杠長三仞。上又二尋。非也。

若然，則合四丈矣，豈便於舉假乎？仞之數，或云七尺，或云四尺。據匠人云：廣二尋，深二仞，謂之澮。皆為十六尺，則八尺曰仞，與八尺曰尋同也。仞以量高，下尋以量廣。輪對文則別耳。

司射猶挾乘矢，以命三耦各與其耦讓取弓矢。

拾。

云猶挾者，見司射主射教，恆執弓矢為事也。讓，下讓其上也。拾，更迭取也。相讓更迭以取。

見威儀之雍容也。大射有次，三耦取弓。

矢於次，次以隱蔽，故經中不著其次。

三耦皆

袒決遂有司左執附右執弦而授弓遂授矢。

有司

即納射器之弟子也。前此納而守之以俟事，凡有所掌謂之有司。

三耦皆執弓。

楯三而挾一个。

楯，插也。插於帶石，射則抽之。此時尚未違俟處。士讓按一耦

二人，三耦六人，人各取一弓四矢。楯其三以便於射，挾其一以擬將射也。司射先立

于所設中之西南東面。三耦皆進，由司射之西、

立于其西南，東面北上而俟。司射東面立于三

耦之北，楯三而挾一个。

為當誘射也。下經設中

中庭，南當洗。此時中未設，云所設中之西南，其

位蓋少南于洗，而西當榮也。先立于此，欲三耦

知其位也。揖進。一揖。當階北面揖。二揖。及階揖。三揖也。此

揖之。升堂揖。堂上揖。豫則鈎楹內，堂則由楹外。豫

序

也。今文豫爲序，當從之。注讀爲謝，如宣榭之榭，似非也。鈎楹，繞楹而東也。州之序，其物當棟近北，故行鈎楹之內堂。庠之堂也。鄉之庠，其物當楹近南，故行由楹之外。鄉射禮兼鄉州兩制，故以二則字別之。士讓按豫與序音相近，或沿誤耳。注云無室可以深，庠有堂有室，近世多疑序亦**當左物北面揖及物揖**。此堂上之第二揖有室。將升三揖，凡六揖，皆禮成於三之意。物，射所立處之限畫也。物以向南爲正。左物，下物也。士讓按左物，下射者所履，誘射而當左物，自示以謙下也。射而先示人以謙下，故其爭也君子。**左足履物不方足還視侯中俯正足**。左足猶併也。而右足不併，便還足南面視侯之中也。以志在於射，故未暇立而先視侯。既視侯而後俯併其

足也。泊邨吳氏曰矢南行射者必側身西向

其足當左前右後不得併足也。此所云正足乃

甫至物時之足容。不去旌。旌擬唱獲以誘射

其既乃側身而射。不去旌。不唱獲故不去誘

射。誘猶教也。將乘矢執弓不挾右執弦。將行也行四

四方不挾矢已盡。穆亭李氏曰誘射不責以

命中者蓋以誘射者而盡中則難乎為繼射之

人使誘射者而盡不中又無以塞乎南面揖揖

教射之責故惟主於儀而不主於中。南面揖揖

如升射降出于其位南適堂西改取一个挾之。

上文司射位在所設中之西南東面今乃適位

南而北迴適堂西者取教衆耦威儀之法也改

更也不射而挾遂適階西取扑搯之以反位。扑

之示有事也。

所

以撻犯教者。書扑作教刑。望溪方氏曰。司射非有事於堂上。必摺扑。正以示衆射者容體不比於禮。節不比于樂。皆由平時不盡志於此。本當用扑。而始以觥代也。而賓大夫主人亦因此各釋已之志矣。周官甸胥掌觥撻罰。蓋功事役事庶人則以撻罰。禮事則吏士以觥罰耳。

右誘射

射自楹閒。物長如筈。其閒容弓距

隨長武。

楹閒中央東西之節也。物。猶事也。君子所有事也。長如筈。筈。矢幹長三尺。

從畫之長如之。物之長數。取應跬之長數。人一舉足爲一跬。長三尺。故物亦長三尺。進退以是爲節也。閒容弓者。左右物相去六尺也。距隨者。物橫畫也。前足至東爲距。後足合來而南面爲隨。武。足迹也。中人之迹尺二寸。長武。物之橫畫尺二寸也。士讓按射自楹閒。

兼指庠序東西之節。序鈎楹內。堂由楹外。皆有楹也。注專指庠。未括。序則物當

棟堂則物當楹。

此言庠序南北之節也。五架之屋。正中曰棟。次曰楹。前曰

殿。庠序皆然。當棟近於北。當楹進而南也。

士讓按庠序五架固同。意其淺深有異。庠大

夫制宜深於序。故射者可以當楹。不慮與侯

太近。序士制宜淺於庠。故射者可以當棟。不

慮與侯太遠也。若序無室。

楚朴長如筈。刊本

庠有室之說。終屬可疑。

尺。

刊其可持處。

射者有過則撻之。

過謂矢揚中人。凡射時矢中人。

當刑之。今鄉會衆賢以禮樂勸民。本意在侯。去傷害之心。遠是以輕之。以扑撻於中庭而已。

司馬命獲者執旌以負侯。

豫示以中侯則舉旌而言獲欲射者見之

深有志於中也。

獲者適侯執旌負侯而俟。

待司馬命去侯。

司射

還當上耦西面作上耦射司射反位。

還左還作使也當謂

當上下射之間。

士讓按上耦位在司射之西

南東面北上而司射自東面左還迴身當之則

西面也反位反于所設中

上耦揖進上射在左。

並行當階北面揖及階揖上射先升三等下射

從之中等。

上射在左以當就上物也並併也上射差尊故先升中猶閒也中等空一

等也同階升者前後相當宜空一等以相遠為敬與異階升者不同

上射升堂少

左。下射升。上射揖並行。也。少室為下射升堂在右。

讓按堂上亦三揖而揖並行時。皆當其物北面。

揖及物揖。為升堂三揖並行。皆左足履物還視侯中。

合足而俟。不云不方足省文耳。合足左右二足。

射之命。士讓按自上耦揖進至此一如司射。

誘時之升法。但司射只一人行而耦進則二人。

行耳。又據北面則東為右西為左。據南面則東

為左西為右。故上射升時屬左。及其視侯中則

上射於右物矣。下射於左物矣。司馬適堂西不

及其視侯中則下射於左物矣。

決遂袒執弓出于司射之南升自西階鉤楹由

上射之後，西南面立于物閒。右執簫，南揚弓，命

去侯。

不決遂，又不執矢者，以不射故不備也。西

去侯。

南面，別於射者也。物閒，左右物之中也。簫

弓末，右執簫，則左執弣矣。執簫必覆手，而執弣

必卻手也。南揚弓，以弓之上端南向而舉之也。

去，離也。命去侯者，令群射且當唱獲也。穆亨

李氏曰：前司射之出於其位南，是既降而由是

以適堂西也。此司馬之出於司射之南，是將射

而由是以向西階。升降雖殊，其所取徑一也。西

南面者，向之也。士讓按陳氏用之云：簫或作

弣。又曰：彌曰弩，曰峻。簫之飾，不特以骨而已。爾

雅曰：以金者謂之銑，以蜃者謂之珧。獲者，執旌

以玉者謂之珪。郭璞注云：珧，小蚌也。獲者，執旌

許諾。聲不絕，以至于乏。坐，東面偃旌，興而俟。

大射

聲以宮商。此惟不絕而已。以鄉射威儀省偃。仆也。俟。俟發矢。

司馬出于下射

之南。還其後。降自西階。反由司射之南。適堂西。

釋弓。襲。反位。立于司射之南。

襲。掩衣袂也。凡袒者必襲。必出下射

之南。還其後。猶鉤楹山上射後也。明爲二人命去俟也。望溪方氏曰。司馬升降。皆紆道而由

司射之南。何也。升降徑由堂東西者。惟賓主人大夫。不敢上儼。又司馬位在司射之南。三耦衆賓。卒射而降。皆由司馬之南。適堂西。釋弓說決拾。故司馬先爲之儀。泊邨吳氏曰。司馬至于此。始定西方東。司射進與司馬交于階前。相左面。司射南位。

由堂下西階之東。北面視上射。命曰無射。獲。無

獵獲。上射揖。司射退反位。相左者。司馬由司射之西。司射由司馬之

東。各以左相近。射獲。矢中人也。獵。矢從傍也。

士讓按自篇首至此。皆為射而行禮。雖未射而

其揖讓威儀。養之以乃射。上射既發。挾弓矢而

漸。從容不迫。有是夫。

后下射射。拾發以將乘矢。獲者坐而獲。舉旌以

宮。偃旌以商。獲而未釋獲。弓字。敖氏疑為衍文。大射儀無弓字。拾發

更迭發也。獲。得也。射者中。則大言獲。宮聲大。商

次之。舉偃時。聲和律呂相生也。未釋獲。但大言

獲。未釋其算也。穆亨李氏曰。唱獲必舉旌者。

欲衆共聞且共見之也。誘射之射。教弟子以射

儀耳。未主於中。故不去旌。三耦之射。學司射之

射儀耳。未主於勝負。故未釋獲。士讓按拾發



所以示遜讓。且以休養巧力於片時也。坐而唱

獲則舉旗以表其能也。宮以舉之。商以偃之。和

民以樂。而優游。卒射皆執弓不挾。南面揖。揖如

閒暇之象。見矣。卒射皆執弓不挾。南面揖。揖如

升射。不挾亦右執。上射降三等。下射少右從之。

升射。不挾亦右執。上射降三等。下射少右從之。

中等並行上射於左。升降皆上射為先。上射皆

中等並行上射於左。升降皆上射為先。上射皆

西為左。降與升射者相左。交于階前相揖。穆亭

以東為左。與升射者相左。交于階前相揖。穆亭

曰。上句上射於左。以兩人分左右也。下

句與升射者相左。以兩耦分左右也。由司馬

之南適堂西。釋弓說決拾襲而俟于堂西南面

之南適堂西。釋弓說決拾襲而俟于堂西南面

東上三耦卒射亦如之。必由司馬之南者非特

東上三耦卒射亦如之。必由司馬之南者非特

司馬之意。釋說而襲者。以已初射事畢也。襲復衣也。凡有事則袒。無事則襲。說遂而言拾。別於用時也。俟。俟司射命也。三耦之三。敖氏云當作二。謂次耦下耦也。下耦與此異者。無與升射者相左相揖之事耳。穆亭李氏曰。初耦卒射。則所餘者二耦耳。云三者。蓋兼初耦數之。司

射去扑。倚于西階之西。升堂北面告于賓曰。三

耦卒射。去扑乃升。不敢佩刑器。即尊者之側。告

賓者。士之射禮。賓則主之。大射司射不升堂。亦去扑乃告卒。賓揖。以揖然之。大射不射者。以國君尊也。賓揖。云公揖者。公尊也。

右初射獲而未釋獲。命負侯者由其位。司

自在已位。遙命之。於賤者。上射於右。於右始

射獲而未釋獲復釋獲復用樂行之。

未釋獲於始射。

釋獲於再射。用樂於三射。此君子取人以漸。

凡適堂西皆出入於

司馬之南。惟賓與大夫降階遂西取弓矢。

卑者

統於射政而尊者宜逸由使也。

司射降楮扑反位。

中西南東面位。

司馬適堂西袒執弓。

由其位南進與司射交于階前相左。升自西階。

鈎楹自右物之後立于物閒西南面揖弓命取

矢。

揖弓者以弓向侯而手推之。無事不執弓。前此揚弓命去侯。此揖弓命取。

士讓按司馬

矢。侯矢其所有事。故卽用其器以示命。而揚與
揖有別。旌倚侯中。執者須揚其手而上。故揚弓
以命之。矢棲侯下。取者須揖。獲者執旌許諾聲
其手而下。故揖弓以命之。

不絕。以旌負侯而侯。

獲者許諾何。獲者審於視矢所棲。雖不親取。而主其

事。侯。侯弟子取矢。以旌指教之。

士讓按取矢者弟子。而先命獲者。猶奏樂者大師。而先命樂

正。司馬出于左物之南。還其後。降自西階。遂適

堂前北面。立于所設楅之南。命弟子設楅。

左物之南

下射之南也。楅。猶幅也。所以承筈。齊矢者。陳氏祥道云。考之於經。奉楅者坐奠。委矢者坐委。乘矢者坐撫。取束矢者坐說。則楅卑而無足。可知。舊圖云。楅有足。誤矣。穆亭李氏曰。亦園左物

者禮無不肅不以射畢而畧也乃設楅于中庭南當洗東肆中庭

東西節也當洗南北節也東肆龍首在西也楅有刻飾爲首尾必東肆者以上射在西統之也

泊邨吳氏曰設洗南北以堂深此設楅其南當之則亦如堂之深矣司馬由司

射之南退釋弓于堂西襲反位弟子取矢北面

坐委于楅北括乃退司馬襲進當楅南北面坐

左右撫矢而乘之重言襲者嫌有事卽袒也司馬射堂上下有事皆袒司馬堂

下雖有事亦不袒升堂乃袒撫拊之也就所委矢以右手撫於東以左手撫於西皆四四數分

之故曰乘穆亭李氏曰北括則南若矢不備鏃順其射爲之且鏃不可以向堂也

則司馬又袒執弓如初。升命曰：取矢不索。升堂故袒。

不索，矢有遺也。弟子自西方應曰：諾。乃復求矢加于楅。

此時獲者猶負侯。而取矢之弟子已退在西方。故獨應之。加，增故也。穆亭李氏曰：不索之矢，必蔽於隱處。故前曰取，此曰求。士讓按：三

耦凡六人，各四矢，有題識，必如數而後索。

右取矢。楅長如筈，博三寸，厚寸有半。龍首。

其中蛇交。韋當。筈長三尺，楅亦如之。龍首在西端，東為尾，所以限矢也。中

央為蛇身相交，則置之地面而安也。龍蛇，取君子之變化。或云：蛇以兩木屈曲為之，象弓也。

直心背之衣曰當，以丹韋為之，周尚赤也。或曰：當，以其當矢而名之。司馬撫矢而乘之，分

委於當。四四各在一邊。

楅棘橫而奉之。南面坐而奠之。

南北當洗。

棘，赤黑漆。

司射倚朴于階西。升，請射于賓如初。賓許諾。賓

主人大夫若皆與射，則遂告于賓。適阼階上告

于主人。主人與賓爲耦。

言若者，或射或否，在時欲耳。射者，釋已之志，君

于務焉。大夫，適者也。告賓，蓋曰：主人御於子。告

主人，蓋曰：子與賓射。約下文大夫與士射之辭

而可知。蓋以賓比大夫，以主人比士，尊賓之義。

穆亭李氏曰：賓以射故而應請，必無不與之

事。若云者，君子不必之意。

遂告于大夫。大夫雖

且爲大夫及三賓言也。

衆皆與士爲耦。以耦告于大夫曰：「某御于子。」大夫

與士爲耦，謙也。以同爵自相耦，嫌自尊別也。大夫爲下射而云御于子，尊大夫也。士，謂衆賓也。

大夫宜與衆賓長爲耦。若衆，則以次而爲之。不足，乃及於堂下者焉。

西階上北面

作衆賓射。作衆賓射，使之降而爲射事也。泊

邨吳氏曰：衆賓者，三賓也。賓主人言

告衆賓言作

司射降搢扑，由司馬之南適堂西，

尊卑之差。

立比衆耦。衆耦，大夫耦及衆賓也。命大夫之耦

曰：子與某子射。其命衆耦如三耦。

士讓按立比衆耦，目下事實未比也。司射以比

耦故，亦出于司馬之南，所以伸司馬之尊，爲耦

射者示以衆賓將與射者皆降，由司馬之南適

身先之也。

堂西繼三耦而立東上大夫之耦爲上若有東

面者則北上降者以俟北也言若有者來觀禮者或多無數也望溪方氏曰主人

人教射賓以德行爲表儀三賓亦尚齒德大夫來觀禮不欲射者宜聽之若羣士則先期師長

必稽之詰其不能射者而督責之不使卽事於射宮其來集者非適有暴疾不聽其不與也

賓主人與大夫皆未降尊者事至司射乃比衆

耦衆賓射者降比之耦乃偏士漢按鄉射禮以三耦爲先故初射卽比之若賓主人

大夫則或射或否不定者故比之於再番射至衆耦又多寡不定者故亦比之於再番射禮有

特重有兼行此其緒也遂命三耦拾取矢司射反位三耦與司

射共矢二十八个，皆收委於楅，故命就楅取之。
拾取者，上射取一下射取一，更迭至四也。反位
者，俟其袒決遂。
進立于西南。
三耦拾取矢，皆袒決遂，執弓進。

立于司馬之西南。

必袒決遂者，明將有射事，拾取矢三字，朱子曰疑衍。

邨吳氏曰：拾取矢者，目下事也。

司射作上耦取矢。

作之者，還當上耦西面，如

作射時。

司射反位，上耦揖進當楅北面揖，及楅揖。

上耦發位東行，一南一北並行，及將至楅南，下射在南，稍進，當前，楅南俱北面揖，其時上射稍西，下射稍東，東西相當也。
穆亨李氏曰：升射時六揖，此不升堂，止三揖。
上射東面。

下射西面，上射揖進，坐橫弓，卻手，自弓下取一。

个兼諸附順羽且興執弦而左還退反位東面

揖橫弓者人比鄉弓東西鄉為橫也先覆左手執附其弦向身故右手從裏取矢兼併矢於

附當順羽手放而下以備不整理其時且興而

執弦以左體向有而還也蓋矢南向人於楅南

取之左手在弓之表云兼諸附明左手併執矢

也望溪方氏曰以兼矢於附因順羽而興從

便也大射則興而後下射進坐橫弓覆手自弓

順羽在君所儀詳也

上取一个與其他如上射此亦以弦向身其執

從表取矢其他謂兼諸附

而下惟西面揖為異耳既拾取乘矢揖皆左

還南面揖皆少進當楅南皆左還北面楮三挾

一个、進、謂東西行而相近也。揖皆左還上射於右。

上射轉居右、便其反位也。下射左還少南行、乃

西面、士讓按大射儀、上射於左。注云、便其反

位、此於右亦便其反位者、彼位在次北。與進者

西面、此無次、位在西南東面北上也。

相左、相揖、反位。進取矢者東行、此西行。三耦拾

取矢、亦如之後者、遂取誘射之矢、兼乘矢而取

之以授有司于西方、而後反位。此只次耦下耦

初耦數之耳。大射儀作二耦、後者下耦之下射

也。於既拾取之後、又兼取誘射之四矢、以兼諸

射、至福南、乃北面揖三挾五个。至西方、以四矢

授有司、而挾一个以反位。西方、即堂西。有司、即

儀禮訓解

卷五

鄉射禮

三

弟子也。下耦異於初耦。次耦者，無與進者，相左相揖之儀。望溪方氏曰：此時司射方比衆耦，取矢隨作射。若中輟其事，自取矢以反於其所，則義無所取，而將再射。初誘射之矢，仍委於楅旁，又非所以爲儀。故使最後之下射，兼衆賓未取以抄有司，蓋節文必如是而後稱也。衆賓未拾取矢，皆袒決遂，執弓，搯三挾一个，由堂西進，繼三耦之南而立，東面北上。大夫之耦爲上，衆未拾取矢者，謂於堂西取矢，不拾也。其後取矢於楅乃拾，故此云未也。大夫之耦，謂衆賓之長士讓按衆賓之射事尚未至，其由堂西繼三耦立，以漸近其事耳。司射作射如初，一耦揖升如初。司馬命去侯，獲者許諾。司馬

降釋弓反位。

許諾不云如初者。但許諾而無不絕聲。臣禮威儀省也。司馬無事不

執弓故降釋而後反位。

右再請射。取誘射之矢者。既拾取矢而後

兼誘射之乘矢而取之。

士讓按弟子取矢時無問誘射與三耦之

矢見則取之。司馬撫矢時必視其題識。上射矢乘於楅西。下射矢乘於楅東。就上下射之矢又分初次下三耦之矢而乘之。其誘射者之四矢殆乘之而當楅中閒。故後者得視題識而取之也與。

司射猶挾一个去扑。與司馬交于階前升。請釋

獲于賓

猶挾者備尚未知當指教之也必云猶者嫌既久可以不挾也

賓許降

搢扑西面立于所設中之東北面命釋獲者設

中遂視之

釋獲者在堂西故北面命之既則復西面視之中實算之器名中者取其

中於侯而釋獲也此不以弓為畢亦辟大射禮

士讓按視之者教其釋算安置左右及數算

告勝負

之事也釋獲者執鹿中一人執算以從之

鹿中謂州

長射於序者若鄉

大夫於庠則兕中

釋獲者坐設中南當楅西當

西序東面興受算坐實八算于中橫委其餘于

中西南末興共而俟

南當楅南北節也西當西序東西節也興還北面受

算反東而實之。南末者。司射遂進由堂下北面。

象矢之北括而南鏃。

命曰不貫不釋。貫猶中也。不中於正則不釋算。

上射揖司射退。

反位。

士讓按凡三番射所命總命上下射也。而皆上射揖之者禮由上者承之也。

釋。

獲者坐取中之八算改實八算于中興執而俟。

八算者人四矢一耦八矢雖不知中否要須一

矢則一算改實八算擬後來者用之。

士讓按

算所以表雋者先實於中而後取之於手與衆

共見之也取而改實之預待中雋也人必設一

算以雋

期人也乃射若中則釋獲者坐而釋獲每一个

釋一算上射於右下射於左若有餘算則反委

之於右者南於左者北投壺禮云賓黨於右主黨於左委餘算者禮尚異也委之合於中西
又取中之八算改實八算于中與執而俟每耦皆如

右再射釋獲鹿中槩前足跪鑿背容八算

釋獲者奉之先首前足跪者象教擾之獸受負也若今駝受負則四足

俱屈之類士讓按梲亦黑漆中與梲色同

然中有皮樹間虎兕鹿之等而梲之制似從

同箭籌八十長尺有握握素箭即算也八十

以十耦為正貴全數其時衆寡從賓握本所持處一指一寸握四寸也素謂刊之也長尺

四寸。其四寸指所握處。刊其本。衆賓不與射者不降。不以無事亂有

事也。衆賓在三人之中。容大夫降。立于堂西。

有有文無武者。許其不射。以俟射。主人大夫降射。賓主先射。尊大夫不

就其耦以升射。望溪方氏曰。大夫與士耦

則爲下射。以士方務學。故屈貴以示下賢之

義也。而不與其耦同立于射位。以位在司射

司馬之南。貴有常尊。不可使有司臨之也。

三耦卒射。賓主人大夫揖。皆由其階降。揖。主人

堂東袒決遂執弓。搯三挾一个。賓於堂西亦如

之皆由其階。階下揖，升堂揖，主人爲下射。皆當其物，北面揖，及物揖，乃射。卒，南面揖，皆由其階，階上揖，降階揖。賓序西，主人序東，皆釋弓，說決拾，襲反位，升及階揖，升堂揖，皆就席。賓序西，主人序東，自釋弓於其故處也。而執弓挾矢乃在堂東，堂西何也？蓋有司取以受之。反位，及階東西當序之位也。士讓按此，賓主人射儀與三耦異者，各由其階揖降而升射。射畢，各由其階而升席。其餘有異者，見後記。大夫袒決遂執弓，搯三挾一个，由堂

西出于司射之西，就其耦。大夫爲下射，揖進，耦

少退。揖如三耦。及階。耦先升。卒射。揖如升射。耦先降。降階。耦少退。皆釋弓於堂西。襲耦。遂止于

堂西。大夫升就席。

大夫與賓同降。止於堂西。至是乃袒決遂執弓矢。尊者事

至而後爲之也。大夫爲下射。以貴下賤之義。耦於庭少退。尊大夫也。及階。耦先升。上射之禮也。大夫釋弓亦於堂西。統於上射。不敢異之也。旣則有司爲之倚於序西。穆亭李氏曰。出於司射之西。從其背後出之也。三耦之自堂西進就位也亦然。大夫爲下射者。鄉飲酒義曰。饌以輔主人。則大夫有主道。而士爲賓之屬。故爲耦。如主人與賓法。士讓按耦升降皆先者。射爲士而習。衆賓士也。方在事中。得申也。衆賓上有席。而遂止于堂西者。旣在事後。則下同於無席者。

之班不與大夫並升。申而後屈也。

衆賓繼射，釋獲皆如初。司射

所作唯上耦。

云唯上耦嫌賓主人亦作之大射三耦卒射司射請于公及賓公與

賓之射皆不作直請之。

卒射，釋獲者遂以所執餘獲升自

西階，盡階不升堂，告于賓曰：「左右卒射。」降反位。

坐委餘獲于中西，與共而俟。

司射不告卒射者釋獲者於是事

宜終之也。餘獲餘算也。若無餘算則空手耳。俟俟數也。士讓按告卒射而云左右措辭有體

且包括也。

右賓主人大夫衆賓射。賓主人射，則司射

擯升降。

擯之者、尊之也、不以司馬擯者、主於射也。

卒射卽席而反。

位卒事。

見其不止於堂西。

大夫與士射袒纁襦。

不肉袒、殊

於耦尊者不見體也、襦在衣內、袒則出之、大夫

非射於君所、固不肉袒、今與士爲耦、大夫

爲下射、嫌當統于上射。耦少退于物。

下于大夫也、既

發則

然。

司馬袒決執弓升命取矢如初、獲者許諾、以旌

負侯如初。司馬降釋弓、反位。弟子委矢如初、大

夫之矢則兼束之以茅、上握焉。

禮無決而不遂者、此決字疑衍。

上經司馬適堂西不決運此宜如之也。乘束大
夫之矢優之是以不拾也。言大夫之矢則矢有
是識也。肅慎氏貢楛矢銘其括上握者束于中
央握處之下使握在上則去鏃近而去羽遠取
之便易也。不束主人之
矢者不可殊異于賓也。司馬乘矢如初司射遂

適西階西釋弓去扑襲進由中東立于中南北

面視算

釋弓去扑據第一番射事已

釋獲者東面于中西坐

先數右獲

固東面矣復言之者為其少南就右獲也士讓按先數右獲者尊上射

義二算為純一純以取實于左手十純則縮而

委之每委異之有餘純則橫于下

純猶全也耦陰陽也縮從

也。數者東面，則東西為從也。委之，當在所釋右。獲之南，異之，又在其南。取易校數也。有餘橫之南北，又異之一，算為奇。奇則又縮諸純下。奇猶也。自近為下一算為奇。奇則又縮諸純下。奇猶

又從之。興自前適左，東面坐，兼斂算實于左手，一

純以委，十則異之。右獲數畢，更端起由中東就左獲，亦東面也。但少北於右

獲，屬左方耳。總斂而後委之，變於右以為敬也。

穆亭李氏曰：左右算獲異法者，非故為變也。

右獲以右手算，則左獲宜以左手算，以左手

手下任算，故先實於左，而仍以右手算之。其餘

如右獲之也。異之，則次而北與。司射復位，視

畢。釋獲者遂進取賢獲，執以升自西階，盡階不

升堂告于賓

賢獲勝黨之算也齊之而執其餘以告

若右勝則曰

右賢於左。若左勝則曰左賢於右。以純數告。若

有奇者亦曰奇。若左右鈞則左右皆執一算以

告曰左右鈞

賢猶勝也射以中為雋也李氏曰釋獲之法皆就一耦以分

穆亭

左右是各自為勝負也至算獲而告於賓則皆左右總計而不逐耦以數將毋中多者以不中而掩其賢不中者又因中多者而藏其拙乎曰此聖人隱動不獲者以蓋惡之心而使自勉也迫勝飲不勝而仍比耦行之以分其優劣斯以嘆先王激勸之非一術也士讓按言勝不言負言賢不言否此釋獲者善為辭而榮與愧自見矣降復位坐兼斂算實

八算于中委其餘于中西與共而俟

此將爲第
三番射故

豫設之。或實或
委一如前法也。

右取矢視算司射釋弓矢視算與獻釋獲

者釋弓矢

視算屬偃武之會故弓矢釋之獻
時尙威儀爲脩文之會故亦釋之

然則擯升降
時不釋也。

司射適堂西命弟子設豐

將飲不勝者設豐所
以承爵也豐形蓋似

豆而卑燕禮有豐彼以承尊者宜大此以承爵
或小耳命設豐不措扑者以尊者亦當飲豐上
觶故望溪方氏曰勝負相形實有難爲情者
雖法行於有司而同儕猶略見獻酬之意故使

于弟洗酌坐奠于豐亦曰敬養之義耳。

弟子奉豐升設于西楹之

西乃降勝者之弟子洗觶升酌南面坐奠于豐

上降袒執弓反位。

勝者之弟子其少者也。耦不酌下無能也。酌者不授爵畧

之也。此時袒執弓於禮無所取三字疑衍大射儀無之。穆亭李氏曰此所勝者總計之勝負

也。如右賢於左則為右黨之弟子如左賢於右則為左黨之弟子。士讓按豐設于西楹西者

統於賓方亦如庭西設中當西序之意凡射事皆告于賓此獨不告者恐賓亦在罰爵之列非

所宜告也。司射遂袒執弓挾一个摺扑北面于直設之耳。

三耦之南命三耦及衆賓勝者皆袒決遂執張

弓。

執張弓言能用之也。右手執弦如卒射。

不勝者皆襲說決拾卻

左手右加弛弓于其上遂以執附。

固襲說決拾矣復言之者

起勝者也。執弛弓言不能用

之也。兩手執附又不得執弦。司射先反位。

既命之

堂西乃居前

俟所命來也。三耦及衆射者皆與其耦進立于

射位北上。司射作升飲者如作射。一耦進揖如

升射及階勝者先升堂少右。

先升尊賢也。少右避飲者也。右自北

面而言則東也。豐在西楹西正當西階飲

者升少西當避豐上之爵與相飲者之位。不勝

者進北面坐取豐上之觶興少退立卒觶進坐

奠于豐下興揖

少退自遜也。立卒解。不祭。不拜受。罰不備禮也。

不勝者

先降

射時升降皆上射在先。今不勝者後升先降。畧之不由次。

與升飲者相

左交于階前相揖出于司馬之南遂適堂西釋

弓襲而俟

俟謂南面東上俟司射第三番射之命。

有執爵者

主人使贊

者代弟子酌也。初使勝黨弟子發端於上耦既飲訖贊者乃升自西階酌訖立于序端。

執

爵者坐取觶實之及奠于豐上升飲者如初

每

酌以至於徧。

三耦卒飲賓主人大夫不勝則不執弓

執爵者取觶降洗升實之以授於席前

優尊也上射勝

則酌主人大夫。下射勝則酌賓。授于席前。賓主人則於其右。大夫則于其左。皆邪向之。望溪方氏曰。雖優尊者。實與不勝者同罰。蓋古者武事莫重於射。君臣長幼莫不盡志於此。無事則以習禮樂。有事則以決戰勝。所以保國衛民。將于是乎在。大夫州長。卽有事時之軍帥師帥也。故老疾不能射者。可辭於請射之初。而與于射則不敢寬其罰。蓋法不行于貴者。則無以肅其也。下受解以適西階上北面立飲。西階上。櫺西少正位。雖尊者亦就。南此飲罰。爵之此飲不宜自尊別。卒解授執爵者反就席。賓主夫皆然。大夫飲則耦不升。耦者衆賓也。不升立于能對言之者以賓主人飲耦。若大夫之耦不勝。在上嫌大夫之耦亦當升耳。

則亦執弛弓特升飲。

言特升飲明大夫在席自若也。大夫飲而耦不升則

耦飲而大夫不與亦宜然。穆亭李氏曰以此

例之則賓飲主人必不降席而立于賓東矣。主

人飲賓亦不降席而

衆賓繼飲射爵者辯乃徹

立于主人之東矣。

豐與解

徹猶除也。設豐者反豐於堂西執爵者反解於篚。自命設豐以下皆言勝者飲

不勝者之禮。而雍容揖遜故曰其爭也君子。

三禮館議射禮勝飲不勝當與記投壺禮參考。

投壺禮當飲者皆跪奉觴曰賜灌勝者跪曰敬

養是逐耦以校勝負而飲其不勝之耦也。至三

投已畢以一馬從二馬而慶其多馬者則通黨

以校勝負而飲其勝者之黨也。前之三飲爲問

爵後之一飲爲慶爵。罰必逐耦而校之以課其

技之精。慶乃通黨而衡之以榮其遇之幸。此投

壺禮之意也。若射禮則初番不釋算，不得有一馬從二馬之事，而終又不行慶禮。故投壺之飲，四行而射禮止二番飲也。

右飲不勝者，主人亦飲於西階上。

雖有授于席前

必就射爵位而飲也。已

禮射不主皮。

禮射謂以禮樂

射也。大射賓射燕射是矣。鄉射用采侯，亦賓射不主皮者。貴其容體比於禮。節比於樂。

主皮之射者，勝者又射，不勝者降。

禮射不勝者後番復

射。主皮者不勝則不復升射。

司馬洗爵，升實之以降，獻獲者于侯。

獲者，唱獲者也。蓋賓

之弟子也。獻之于侯，明其因侯爲功，得獻也。大射若禮，使服不唱，獲司馬正獻之。服不于侯西北三步，拜受爵。穆亭李氏曰：侯西北三步，獲者受獻之正位，故此禮之獲者與大射之服不皆於是乎？既爵焉，然服不之獻，卽於其位。而此獲者之獻，則於侯者大射三侯，若獻服不氏於大侯之中，則蔽於參侯、豨侯之外，堂上人不見也。此禮惟張一侯而已，故獻之於侯，以是爲變也。於君薦脯醢，設折俎，俎與薦皆三祭。皆三祭者，祭品皆三。爲侯有右左中三處，將祭之也。獲者負侯北面拜受爵，司馬西面拜送爵。負侯，負侯中也。拜送爵不同面，辟正主也。上文正主獻賓與衆賓，皆與受獻者同。獲者執爵使人執其薦與俎從之。適右北面。

个設薦俎

人謂主人贊者卽上設薦俎者也。放氏繼公曰下經言獲者南面坐祭

薦既乃祭俎則是俎在侯北。薦在俎北。獲者又

在薦北。其設薦亦脯西而醢東。蓋上右也。薦俎

不統於侯者此獻主於獲者非爲侯故耳。獲者南面坐左執爵祭脯

醢執爵興取肺坐祭遂祭酒

南面正祭侯也

興適左个

中亦如之

先祭有次左後中以外卽之至中若神在中也

左个之西北

三步東面設薦俎獲者薦右東面立飲不拜既

爵

不就之飲者明其享侯之餘也立飲薦右近司馬

司馬受爵奠于篚

復位獲者執其薦使人執俎從之辟設于之南

遷設薦俎近之乃已所有事之處明已所得
 禮也辟之者不使當位避舉旌偃旌也于之南
 右之也謂離于故處也凡燕食祭祀之薦俎皆
 當其位前唯此與大射獲者釋獲者薦俎辟設
 不當
 獲者負侯而俟侯第三番射

右獻獲者 獲者之俎折脊脅肺牖據無大夫來

則獲者得之若有大夫一人二人三人而上則獲者若膊若肱若股之折以大夫餘體耳

東方謂之右个侯以向堂為正

司射適階西釋弓矢去扑說決拾襲適洗洗爵升實之以降獻釋獲者于其位少南薦脯醢折

俎有祭

獲者受命于司馬故司馬主獻之釋獲者聽命於司射故司射主獻之二者皆

賓之弟子耳分卑而獻薦之禮均者射以侯爲

主以中爲賢重其事因敬其勤勞之人也獻不

當其位辟中也此薦設與獲者同但彼三祭而

此一祭爲異士讓按先有唱獲而後有釋獲

故二者之獻以爲先後序釋獲者薦右東面拜

獻爵釋弓矢去扑亦文事釋獲者就其薦坐左執

受爵司射北面拜送爵釋獲者就其薦坐左執

爵祭脯醢興取肺坐祭遂祭酒興司射之西北

面立飲不拜既爵司射受爵奠于筐釋獲者少

西辟薦反位

辟薦少西者爲復射妨司射視算也亦辟俎如獲者望溪方氏曰

司馬司射無俎何也。事有所專故獲者釋獲者有加俎猶大射所先薦者惟司正與射人而司馬則與羣士偏獻薦燕禮所先薦者司正射入司士執冪者而大射正則與羣士偏獻薦也。

右獻釋獲者

釋獲者之俎折脊脅肺皆有

祭

肺謂舉肺祭則祭肺也。皆皆獲者也。穆

亭李氏曰射有侯有旌有乏獲者主之有中有籌釋獲者主之有福設福者主之有豐設豐者主之有弓矢決拾納射器者主之莫不各有事也而所獻惟獲與釋獲者其餘則否。蓋侯以命中中以算中書曰侯以明之舍此二者則明之無由故獨加禮焉然必再番射畢而後獻者與獻工於歌後獻笙於笙後同

意。

司射適堂西袒決遂取弓于階西挾一个楯扑

以反位

爲將復射

司射去扑倚于階西升請射于賓

如初賓許司射降楯扑由司馬之南適堂西命

三耦及衆賓皆袒決遂執弓就位

位射位也在司射之西南

東司射先反位

言先三耦及衆賓也既命之卽反位不俟之也

張氏爾岐曰初三耦

未有拾取矢位無所先

在司射西南及司馬立司射之南三耦拾取矢

移位於司馬之西南是拾取矢時射位始定故

注云未有拾取矢位無所先也又射者堂下几

三位堂西南面比耦之位司射西南東面三耦

初射之位司馬西南東面則拾取矢以後至終

射之位也。

穆亭李氏曰考初番誘射時未有

司馬之位故三耦射位以司射之位為識而曰

立於其西南至司馬命去侯之後始立于司射

之南故再番射時即以司馬之位為識而曰立

于司馬之西南實則司馬之西南即司射之西

南未始有移位是鄉射止有二位惟大射之位

有三三耦及衆賓皆袒決遂執弓各以其耦進

耳。

反于射位。以猶與也司射作拾取矢三耦拾取矢如

初反位。仍以三耦為先賓主人大夫降揖如初主人堂

東賓堂西皆袒決遂執弓皆進階前揖。南而相

行及楅揖拾取矢如三耦。當楅而東西面相揖

遂拾取矢不先當楅

北面揖也。卒北面揖三挾一个揖退。各由其塗反位。賓堂西

主人堂東皆釋弓矢襲及階揖升堂揖就席。將袒

先言主人導賓也。將襲先言賓尊賓也。袒盡敬之事。襲脩容之事。大夫袒決遂

執弓就其耦。降于堂西就其耦於射位與之拾取矢。揖皆進如三

耦耦東面大夫西面大夫進坐說矢束。大夫西面為下

射故也。說矢束者不自尊異若欲與其耦拾取者然。興反位而後耦揖進

坐兼取乘矢順羽而興反位揖。兼取乘矢者尊大夫不敢與之

相拾也。相下相尊。大夫進坐亦兼取乘矢如其

耦北面指三挾一个

不自別異

揖退耦反位大夫遂

適序西釋弓矢襲升卽席

大夫不序於下尊也。士讓按耦反位者

於堂西也。

衆賓繼拾取矢皆如三耦以反位

右三請射

大夫說矢束坐說之

明不自尊別

司射猶挾一个以進作上射如初一耦揖升如

初

進前也亦還當上耦而作之但云上射可以該耦字

司馬升命去侯獲

者許諾司馬降釋弓反位

記所謂司馬無事不釋弓

司射與

司馬交于階前去扑襲升請以樂樂于賓賓許

諾司射降搢扑東面命樂正曰請以樂樂于賓

賓許

東面于西階之前也。不就樂正命之者傳尊命于賤者遙號令之可也。大射云樂正

曰諾此亦當然。樂正此時之位。在東階東南北面。其受司射命不還西面者以賓在堂故也。

司射遂適階閒堂下北面命曰不鼓不釋

不鼓不釋

言不與鼓聲相應則節不比於樂不釋算也。鄉射之鼓鄉大夫士皆以五節一節先奏以聽其四節所以爲耦之拾發四矢也。望溪方氏曰射之初弓矢未調三射而後樂作俾循序而致其精也。射之終筋力既乏三射而樂始作俾嚴終而彌斂其氣也。再射不貫不釋射之實用在立武也。管夷吾曰射不能中與亡矢同實中不能入與無鏃同實三射不鼓不釋射之精意在

養德也。孔子曰：循聲而發，發而不失，正鵠者，其
惟賢者乎？士讓按司射三番命辭。初曰：無射。
獲無獵獲者，纔試之而防其習之未能戒之也。
再曰：不貫不釋者，將觀其巧力矣。以中的期之
也。三曰：不鼓不釋，則欲上射揖。司射退反位。
成之以樂而歸於和也。上射揖。司射退反位。
命亦命上射也。省文耳。曰：樂正東面，命大師曰：
上射揖之，衆耦亦備知矣。樂正東面，命大師曰：
奏騶虞。開若一。東面者，進還向大師也。騶虞，召
也。其詩取樂得賢者衆多，嘆思仁人以充其官。
此天子之射節也。而用之者，方有樂賢之志，取
其宜也。閒若一者，節奏之間，長短希數如一。
士讓按騶虞之歌有九節，天子之射節也。鄉射
鄉大夫宜以采蘋五節，士宜以采芣五節。今得
用天子之樂者，注以爲方有樂賢之志。騶虞者

樂官備也。取其宜也。然天子九節先歌五節以聽。優至尊先知審。而後一節將一矢也。竊意鄉射一耦各乘矢。雖奏騶虞之詩。未必敢擬九節也。只奏五節。先一節以聽。而四節則拾發以將八矢耳。此亦禮盛可進取之意。有放而不致者。大師不興。許諾樂正退。

反位乃奏騶虞以射。

其他賓射與燕射若州長他賓客自奏采蘋。惟此篇

鄉大夫州長射法。則同用騶虞。以同有樂賢之志也。穆亭李氏曰。鄉射耳。而直用天子之樂節者。或謂遠尊則無嫌。或謂詩以騶虞。而仍以五節分義亦存其閒。二說雖可通。終不若注疏之善。蓋賓射燕射私禮也。若鄉射則公禮也。先王制此以廣厲學宮而育人材。特隆以騶虞之節。鄉大夫若州長。不過承而行之。何嫌焉。三耦卒射。賓主人大夫衆

賓繼射釋獲如初。卒射降。

皆應鼓與歌之節，乃釋算也。賓與主人、大

夫卒射皆升。席降者衆賓。

釋獲者執餘獲，升告左右。卒射如

初。告于賓也。

右三射用樂。

歌騶虞，若采蘋，皆五終。射無

算。

騶虞僅歌五終，因鄉射是鄉大夫士故也。經文未及詳節數，又不見歌采蘋之詩，故

記人補之。射無算者，謂堂下衆賓繼射者之人無定數，每一耦射則歌五終。又騶虞之義，歐陽脩引賈誼新書，騶者文王囿名。虞者囿之司獸，或曰騶鹿官。虞，山澤之官。二職皆不失人，則官備矣。朱子曰：據詩但取一發五祀之義耳。騶虞則爲仁獸之名，以庶類蕃殖，美

國君之仁如之也。陳氏暘云。王大射奏騶虞。在樂師。而令之者在大司樂。歌之在瞽矇。而帥之在大師。奏以鍾鼓。歌以人聲。人歌而以鍾鼓奏之。足以定和矣。此經曰奏。記曰歌。蓋備舉也。

司馬升命取矢。獲者許諾。司馬降釋弓反位。弟子委矢。司馬乘之。皆如初。司射釋弓視算如初。釋獲者以賢獲與。鈞告如初。降復位。

士讓按習禮之始。防

其躁也。行禮將終。防其倦也。惟一一皆如初。斯終如其始矣。

右取矢視算

司射命設豐設豐實解如初。遂命勝者執張弓。
不勝者執弛弓。升飲如初。
大射儀此下云卒退豐與解如初此脫一句。

右飲不勝者

司射猶袒決遂左執弓右執一个兼諸弦面鏃。
適堂西以命拾取矢如初。
側持弦矢曰執凡射者於矢將用之則挾不用之則執面尚也併矢於弦尚其鏃將止變於射
司射反位三耦及賓
主人大夫衆賓皆袒決遂拾取矢如初矢不挾

兼諸弦弣以退。不反位，遂授有司于堂西。方持曰挾。

此不挾者，謂側持執之而已。以射禮畢，不射也。辯拾取矢揖。于揖見終而巳。

皆升就席。升就席者，賓大夫主人及三賓也。三耦及弟子自若留下。司射乃

適堂西，釋弓去扑，說決拾襲反位。司射之扑在階西，今去扑

於堂西者，不復射也。司馬命弟子說侯之左下綱而釋之。

命獲者以旌退。命弟子退。司射命釋獲者退

中與算而俟。說，解之也。釋，不束之。諸所退皆俟于堂西，備旅酬既畢或復射也。於

是獲者釋獲者亦退其薦俎。士讓按大射，賓為士舉旅。後有若命曰復射之文。此篇無之，然

凡行禮畢時、每寓不盡之意、此所以退者、俟有後命也。

右三射畢

士讓按射禮、掌于司射司馬二人、以行禮而名官。卽分官以掌禮。司

射所主者射教也。故告于賓、命納器、比三耦、誘射、作耦、命上射、告卒射、摯扑、夫扑、袒、襲、命設中、進、祝、算、命設豐、作升飲、獻釋獲、請樂賓、命樂正、終而命拾取矢、退中與算焉。司馬所主者射政也。故命張侯、命倚旌、命負侯、命去侯、命取矢、命設福、獻獲者、終而命說侯、退旌、退福焉。細玩司射之教、行及尊者、司馬之政、施于卑者、大致然也。陳氏用之曰、射禮旌以詔之、鼓以節之、扑以戒之。定其位有物、課其功有算、使人存爭心於揖讓之間。奮武事於燕樂之際、德行由是可觀。齒位由是可正。所以正交接於鄉黨也。竊謂數語包括大旨。疑

存爭心之存當作
息字或去字之誤

司馬反為司正退復解南而立

射事已而復其故職當監旅酬

也云復解南見射時解不徹

士讓按經有叙

次中見文法如前曰作相為司正

中曰司正為

司馬此口司馬反為司正末曰乃息司正數句

古聖人豈有意為是哉而轉軸結構自然如此

所謂順理成章也又如遙接文法若未飲酒時

先張侯至將射方說束前云不繫左下綱後云

遂繫左下綱文法何一絲不亂也又如一爵也

奠于某所取于某所皆遙相照應推之他篇文

義如升拜成拜等儀禮容如

樂正命弟子贊工

繪化工之文也可以類參

即位弟子相工如其降也升自西階反坐

贊工遷樂

也。降時如初八。上工四人已下是也。升自西階
反坐。蓋前避射。遷工于東方西面。今將旅酬無
算樂。故遷升于堂上也。此賓北面坐取俎西之
時。樂正反自西階東北面。賓與阼階上北面酬主人。此即未射以前一人
所舉觶於賓賓奠之
於薦主人降席立于賓東。賓坐奠觶拜。執觶與
西者主人答拜。賓不祭。卒觶不拜。不洗。實之。進東南
面。凡所不者
酬而禮殺主人阼階上北面拜。賓少退。少退
適也。
主人進受觶。賓主人之西北面拜送。旅酬同
階禮殺。賓
揖就席。賓酬主
人禮明。主人以觶適西階上酬大夫。大

夫降席立于主人之西如賓酬主人之禮既實

西南面立

主人揖就席

主人酬大夫禮亦明

若無大夫則

鄉所酬

長受酬亦如之

三賓之長堂上有席以長幼之次受酬大夫若衆則相酬辯乃

及司正升自西階相旅作受酬者曰某酬某子

至三賓方相之某者字也某子者氏也字不若

子旅酬乃敬所逮故於受酬者尊加其所稱

穆亭李氏曰司正之相旅猶司射之比耦也此

相旅而曰某酬某子猶比耦之言子與某子射

也鄉飲酒相旅而曰某子受酬猶受酬者降席

比耦之言某御於子也蓋兩告之

司正退立于西序端東面

退立俟後酬者其始升相時立于階西北

而衆受酬者拜與飲皆如賓酬主人之禮辯上堂

有席者酬禮皆明矣遂酬在下者賓黨無席者皆升受酬于西

階上卒受者以解降奠于篚司正降復位監旅酬訖

乃降使二人舉解以為無算固始

右旅酬古者於旅也語禮成樂備乃可以言語先王禮樂之

道也疾今人慢於禮樂之盛言語無節故追述古上讓按古者謂周初盛時敖氏指殷

以上非也儀禮作自周公記者凡旅不洗敬

屬後賢習禮者綴于經末耳不洗者不祭盛不既旅士不入後正禮也既旅則將燕矣士入

立于下齒

于鄉人。

使二人舉觶于賓與大夫。

二人主人之贊者。士讓按鄉飲酒禮有

介故二人舉觶于賓與介。此射禮無介其舉觶于大夫則如介禮也。

舉觶者皆洗

觶升實之。西階上北面皆坐奠觶拜。執觶興。賓

與大夫皆席末答拜。舉觶者皆坐祭。遂飲卒觶。

興坐奠觶拜。執觶興。賓與大夫皆答拜。舉觶者

逆降洗。升實觶。皆立于西階上北面東上。賓與

大夫拜。舉觶者皆進坐奠于薦右。

皆席末答拜者皆猶未離

手席也。坐奠之。贊者卑不敢賓與大夫辭坐受

親授于薦右。凡將飲者於有。解以興。辭其坐奠不自尊也。舉解者退反位皆

拜送。乃降。賓與大夫坐反奠于其所興。反奠之

盛禮已崇。今主人復將為無算爵發端。賓大夫不盡主人歡。故且奠而未舉。至徹俎後。主人乃復使二人舉之。若無大夫。則唯賓。長一人舉解。如燕禮。勝爵。長勝一爵于君。

右二人舉解

司正升自西階。阼階上受命于主人。適西階上

北面請坐于賓。請坐者。欲與賓燕。慮其倦解。優之以盡慇懃也。賓辭以

俎

俎者之貴者。辭者不敢以燕坐褻貴者。

反命于主人。主人曰請

徹俎。賓許。司正降自西階。階前命弟子俟徹俎。

弟子賓黨也。以賓黨徹之順賓意也。穆亭李氏曰此亦學中之弟子也。主人於弟子有師道

焉。徹賓俎以司正。大夫之俎則與主人同使弟子者下賓也。司正升立于序

端。立以俟事。士讓按鄉飲酒作席端。賓降席北面。主人降席自

南方。阼階上北面。大夫降席。席東南面。侯弟子升受俎。

賓取俎還授司正。司正以降自西階。賓從之降。

遂立于階西東面。司正以俎出授從者。從者賓家從來

者也。俎爲盛禮必歸之。所以厚禮之。鄉飲酒燕禮大射皆有歸賓俎。公食大夫有司卷三牲之俎歸于賓館。穆亭李氏曰卷俎歸於賓館。禮之重者也。飲射禮輕。惟出授從者而已。主

人取俎還授弟子。弟子受俎降自西階以東主

人降自阼階西面立

以東授主人侍者。穆亭李氏曰燕禮賓自以俎出

者尊君也。此敵禮故使司正及弟子以出賓惟降階下而已。

大夫取俎還授

弟子。弟子以降自西階遂出授從者。大夫從之

降立于賓南

凡言還者明取俎各自鄉其席。

衆賓皆降立于大

夫之南少退北上

衆賓三賓也。雖無俎亦爲將燕從降

右徹俎

主人以賓揖讓說屨乃升大夫及衆賓皆說屨

升坐

說屨者將坐空屨衰賤不宜居堂也說屨則必掘衣爲其被地少儀云排闥脫屨於

戶內一人而已矣若尊卑在堂則尊者一人說

屨在堂其餘說於堂下是以燕禮大射臣皆說

屨於階下公不見說屨之文明公鳥在堂

矣此臣禮賓主人行敵禮故皆說於下乃羞

羞進也凡庶羞不踰牲此牲用狗無算爵

則羞者狗裁及舊作之醢可知事也

使二人舉觶

士讓按此所舉卽前反奠于其賓所者今仍使向者二人受之

與大夫不興取奠觶飲卒觶不拜

云不拜者嫌坐卒爵者拜

既爵此坐于席。執觶者受觶，遂實之。賓觶以之。

主人大夫之觶，長受。

長，堂上衆賓長。士讓按

比耦時，主人與賓爲耦，大

夫與士爲耦，此無

而錯皆不拜。

錯者，實主人之

算爵之序，亦當然。賓長之觶以之，次大夫，其賓與大夫，或多寡人

數無可遞酬，則二觶迭飲於坐而已。皆不拜受。

禮又

辯卒受者，與以旅在下者于西階上。

衆賓

殺也。飲而酬主人之贊者。大夫之末飲而酬賓黨，亦

錯焉。執觶者酌在上，辯降復位，不使執觶者酌

以其將旅酬，亦當與於旅故也。其堂上皆坐行

旅至此立階上，旅在下也。

穆亭李氏曰：堂上

之酬未辯，無酬及在下者禮。

士讓按：自二人

舉觶至此，皆是二觶並行者，二觶並行和易至。

於流。然爵雖名無算，實亦有算也。以東錯西，以西錯東，堂上錯畢，乃及堂下。計人行爵，終於無遺。雖錯而不索焉。長受酬，酬者不拜，乃飲卒觶以實之。

長，堂下賓黨之長，主黨贊者之長也。云不拜，嫌酬于堂下異位當拜也。望溪方氏曰：白是受

酬者皆不拜矣。故受酬者不拜受。堂下卑者受

酬者以不拜先之。當拜，由禮。辯旅皆不拜。主人之贊者於

殺故不拜。此始旅，嫌有拜。執觶者

皆與旅。嫌已飲不復飲也。故著之。前已飲者，使

與於卒受者以虛觶降，奠于筐。執觶者洗，升實

觶，反奠于賓與大夫。復奠之者，燕以飲酒為歡，

醉乃止，主人之意也。望

溪方氏曰卒受者以虛觶奠于篚可以止矣而復實觶反奠示飲酒之秩節有終而主人之歡心無已也猶三射既畢復袒決遂拾取矢等儀示勤禮則敬心如始至立武則軍事以嚴終也曰執觶者洗示前一觶已奠于篚別于篚取二觶而新之也士讓按此反奠二觶有數義酒以成禮爲尊者設方逮及賤者今若卒受皆降奠而止是禮由卑者成之也惟再洗反奠則禮成于尊者矣反奠而復舉所以醉賓故曰無算爵也在主人雖不爲限量而在賓與大夫必以禮爲節其終也奠之不舉焉惟無算樂合鄉樂聽無算樂之作而終之以和也任賓主所好也

右燕

賓興樂正命奏咳。

咳夏有聲無辭之樂金奏之一也。周禮賓醉而出奏咳夏。

士讓按注云咳夏其詩亡。天子諸侯以鍾鼓。

大夫士鼓而已。郝楚望駁之云鄭解鄉射謂士。

特縣不得有鍾何以成樂竊謂郝氏似優又敖。

氏以咳夏為有聲無辭則注詩亡之說亦未的。

賓降及階咳作賓出眾賓皆出主人送于門外。

再拜。

拜送賓于門東西面賓不答拜禮有終。

右賓出。

大夫後出。

下鄉人不干其賓主之禮。主人送于。

門外再拜。

拜送大夫尊之也。主人送賓還入門揖大夫乃出拜送之。士讓按。

大夫後出經不言者大夫或有或無或來或後經故闕之不著而記補之耳。

明日賓朝服以拜賜于門外。謝恩惠也。士讓

門外非私家之門外也。鄉大夫士在鄉州中固

有私家而行公禮不私謝也是日尚有息司正

之禮公事未畢主人不見如賓服遂從之拜辱

明在庠序可知

于門外乃退。不見禮不藝也。拜辱謝其屈辱也

入告主人辭不見賓乃

拜主人拜辱亦如之

右拜辱

主人釋服乃息司正。釋朝服更服元端也。息勞

飲酒以其昨日尤勞倦也。勞司正謂賓之與之

月令曰勞農以休息之。無介。勞禮畧也。貶于

鄉飲酒士讓

按未射之先。行正禮。尚無不殺。無俎。使人速。速

介。則此不加於正禮。固宜。故也。使人速。速

也。亦當使人。迎于門外。不拜。入升。不拜。至。不拜

戒。乃速之。主人。不崇酒。不拜。衆

洗。薦脯醢。無俎。賓酢主人。主人。不崇酒。不拜。衆

賓。既獻。衆賓。一人舉觶。遂無算爵。主人。不崇酒。

可知。一人舉觶。以下。無工升歌。立司正。旅酬。及

二人舉觶。徹俎。諸事。故云。遂無算爵也。其他不

著者。可無司正。已。不立之。賓不與。不可徵。唯所

以意推。無司正。已。不立之。賓不與。不可徵。唯所

欲。徵召隨。以告于鄉先生。君子可也。先生。請也。鄉

夫致仕者。君子。羞唯所有。見物。鄉樂唯欲。不歌

有德行。不仕者。羞唯所有。見物。鄉樂唯欲。不歌

有德行。不仕者。羞唯所有。見物。鄉樂唯欲。不歌

有德行。不仕者。羞唯所有。見物。鄉樂唯欲。不歌

有德行。不仕者。羞唯所有。見物。鄉樂唯欲。不歌

有德行。不仕者。羞唯所有。見物。鄉樂唯欲。不歌

有德行。不仕者。羞唯所有。見物。鄉樂唯欲。不歌

有德行。不仕者。羞唯所有。見物。鄉樂唯欲。不歌

儀禮紉解

卷五

鄉射禮

奎

取周召之詩在所好。
敖氏云。凡國風皆是。

右息司正

右鄉射禮

凡三十八節經文止

記古本

記大夫與。則公士爲賓。使能不宿戒。其牲狗也。
亨于堂東北。尊綌冪。賓至徹之。蒲筵。緇布純。西
序之席。北上。獻用爵。其他用觶。以爵拜者。不徒
作。薦脯用邊。五臠。祭半臠。橫于上。醢以豆。出自

東房。臠長尺二寸。俎出東壁，自西階升。賓俎，脊脅肩肺。主人俎，脊脅臂肺。肺皆離。皆右體也。進腩。凡舉爵，三作而不徒爵。凡奠者於左。將舉者於右。衆賓之長一人辭洗，如賓禮。若有諸公，則如賓禮。大夫如介禮。無諸公，則大夫如賓禮。樂作，大夫不入。樂正與立者齒。三笙一和而成聲。獻工與笙，取爵于上篚。旣獻，奠于下篚。其笙則獻諸西階上。立者東面北上。司正旣舉觶而薦。

諸其位。

士讓按自記首至此與鄉飲酒記互爲詳畧同異以鄉大夫士之射亦先行鄉

飲酒禮也朱子析附本經節下以便讀者今仍依通解本于前而摠集古記以存古如左三

耦者使弟子司射前戒之司射之弓矢與扑倚

于西階之西司射旣袒決遂而升司馬階前命

張侯遂命倚旌凡侯天子熊侯白質諸侯麋侯

赤質大夫布侯畫以虎豹士布侯畫以鹿豕凡

畫者丹質射自楹閒物長如筈其閒容弓距隨

長武序則物當棟堂則物當楹命負侯者由其

位。凡適堂西，皆出入于司馬之南。唯賓與大夫降階，遂西取弓矢。旌各以其物，無物則以白羽與朱羽。糒，杠長三仞，以鴻脰韜上二尋。凡挾矢於二指之間，橫之。司射在司馬之北，司馬無事，不執弓。始射，獲而未釋，獲復釋，獲復用樂行之。上射於右，楅長如筈，博三寸，厚寸有半，龍首，其中蛇交，韋當，楅髹，橫而奉之，南面坐而奠之，南北當洗。射者有過則撻之。衆賓不與射者不降。

取誘射之矢者。旣拾取矢。而后兼誘射之乘矢。而取之。賓主人射。則司射擯升降。卒射。卽席而反位。卒事。鹿中髹。前足跪。鑿背容八算。釋獲者奉之。先首。大夫降。立于堂西。以俟射。大夫與士射。袒纁襦。耦少退于物。司射釋弓矢視算。與獻釋獲者。釋弓矢。禮射不主皮。主皮之射者。勝者又射。不勝者降。主人亦飲于西階上。獲者之俎。折脊脅肺臠。東方謂之右个。釋獲者之俎。折脊

脅肺皆有祭。大夫說矢束坐說之。歌騶虞。若采蘋。皆五終。射無算。古者於旅也。語。凡旅不洗。不洗者不祭。既旅。士不入。大夫後出。主人送于門外。再拜。鄉侯上个五尋。中十尺。侯道五十弓。弓二寸以爲侯中。倍中以爲躬。倍躬以爲左右。舌下舌半上舌。箭籌八十。長尺有握。握素。楚扑。長如筈。刊本尺。士讓按自三耦者使弟子句至此皆補經所未備而與大射儀可通者甚多故大射雖無另記而可會考也君射則爲下射。上射退于

物一筈。既發，則答君而俟。君樂作而后就物。君袒朱襦以射。小臣以巾執矢以授。若飲君如燕。則夾爵。君國中射，則皮樹中，以翽旌獲，白羽與朱羽糅。於郊則閭中，以旌獲。於竟則虎中，龍旌。大夫兕中，各以其物獲。士鹿中，翽旌以獲。唯君有射于國中，其餘否。君在，大夫射則肉袒。按自

君射則爲下射句至末乃記大射之儀者朱子通解已附于大射篇公及諸公卿射一節經後誠爲特見然古本當存也

故摠錄此而解見大射篇
儀禮紉解卷五終